

小倉山房文集

小倉山房文集卷四

錢唐袁枚子才

左副都御史趙公墓誌銘

本朝以文學受知

今上者禮部尚書沈公德潛詹事府正詹張公鵬紳而外惟副都御史趙公公名大鯨字橫山別字學齋雍正進士入翰林楷法秀潤如鋪春雲詞賦修意修言得沈隱侯三易法八試內廷皆稱旨遷學士再遷大理

寺少卿左副都御史提督江西直隸學政典雲南湖南河南三省鄉試四校順天鄉會科以太夫人大鑿乞歸五年卒年六十九葬仁和某原安人邵氏附焉子二其

次升官庶吉士公督學時遇諸生如弟子每校卷躬自
點勘觀者相環拂衣觸几公勿禁曰取士易教士難使
諸生觀吾所以取知吾所以教也衡文額額顏澁不展
卧記某卷佳起再誦再加擢之如不及待曰若然性峭
急無威儀送客輒走客前客或坐未起必問有餘語乎
趣爲我言不然時寔事適可以行矣人有譴諉不可者
謝之已資諾資捫胸苦記必踐之而后食飲大中丞永
貴公弟子也將撫浙來見公公問君往政將奚先曰劾
貪吏公笑曰貪吏賊入已者勿劾也永愕然曰何謂也
公曰賊入已而不分潤大府則大府久劾之矣不待言
往也今巧宦全取之民而半致之上已潤其餘或且全

致之上以遷其官是暗劫民財納已爵也不見捕盜者乎。胥篋百萬有所私焉不敢目憚之其所勘詰禽獲以上計者皆竊鈔攘難者也。君將奚擇焉。永再拜曰。微先生無能言及此者。敬聞命矣。既抵浙。延公萬松書院。教諸生。先是主教者而柔曲濫乎。公以爲設書院所以待高才生。非養窶人子。若不以才取而徒哀其窮。故收之。是恤孤非養士也。于是申夏拉枯無所聽請。及見士又倨。士大不悅。飛言如兩公不爲動。不數年所。嗾揚者異目視者。九卿三司。茂才高等。均從窮約。致顯貴。紛然麟鳳羣翔而詬公者。如秋蚊冬蠅。漸滅殆盡。或至今猶埋沉藍縷。嗚呼。公人倫之鑑。果何如也。枚未遇時。袖文

質公公奇賞之。枚乞一授餐所。公唯唯。朝送公出。暮聘已至。卽今大宗伯嵇公冢也。公卒時太夫人年九十餘。故遺表曰。沐聖世如春之澤。小草長榮。奉慈親垂暮之年。反哺難遂。誦者皆爲泣下。

銘曰。無充不中。無過不庸。不惡不仁。而曰好仁。其所好者。亦朦朧黜黜。塞駕應龍。斬曲樗扶青松。此豈吾一人之爲。而佻險者。竟鶴鶴僂僂。以相攻。彼何人斯。其爲飄風。吾見鐫金屨玉。而拜華表者。如萬壑之朝宗。嗚呼。雖余小子。之不肯亦咨嗟涕洟。而執筆以銘公。

海州州同王君墓志銘

君名發桂字香巖直隸正定人巖巖然有腹尺視正言
徐面方如田好讀書交賢者以貢士補溧陽丞調上元
遷海州州同攝礪山海州宿遷縣事再攝沐陽捧
到卒君雖左官無甚重任而鞠錄其躬視民不佻較尊
官尤肅勘桃源災共事者三人以不謹聞而君獨課最
巡海州村見種山芋者問之曰閩人也姓高名光裕君
疑非山氓陽與語陰令捕者擒以俟未半月鄰城符來
屬去果劫盜也

天子南巡總督尹公委君治攝山君慮事並功酒清如
法尹公見君題句驚衙官中有屈宋命羣公子和以光

其所爲詩先是乾隆戊午君與子試京兆同受知於大
廷尉鄧遜齋先生乙酉六月先生入都過上元上元令
李棠亦先生門下士三人者循環置酒爲先生壽先生
爲當時薦香巖未售至今缺然而香巖如實拔已執弟
子禮尤勤子私心竊愈賢之嗚呼誰知此一會也香巖
竟從此訣矣卒年五十九其蒼頭某將葬君來徵予銘
予不特誼無所讓且心服香巖賢謂必有瑰意奇行於
法宜銘者問狀具否蒼頭跪呈一紙乃簡里刺數
所謂履歷是也噫知狀未具雖有班史之筆鑿空難書
而况余又空山居寂所徵數耶不得已拮據梗概而志
之香巖有知其警我也其鑒我也

銘。曰。官。不。副。其。賢。壽。不。永。其。年。死。而。不。有。其。藏。一。錢。置。
欲。銘。而。表。諸。阡。而。事。又。不。得。其。全。夫。是。以。意。滿。口。重。而。
言。殊。不。宜。吁。嗟。乎。苟。有。天。其。無。泐。此。石。上。之。鐫。

光祿寺少卿楊公墓誌銘

公諱秘楊姓字靜山奉天正黃旗人生有至性侍繼祖母疾衣不解帶至蝨緣領遊益敬十九歲知陝西兩當縣丁父憂再補直隸固安故事修永定河秋汛畢工興永定道黃某役不平賈遲延及冬朝涉者數家公憐之許日出後下纓黃巡工避民之來將管督公力爭不得乃直前牽其馬至凍溜處曰公能往民亦能往此時日高春陽光熏人公重裘尚縮瑟乃責袒肩者戴星來耶黃大恚適館張牒將劾公會撫軍安溪李文貞公過柳家口聞之召謂曰汝年少能然古之任延也勞以酒解裘衣之事得釋調宛平固安民以爲大戚聞宛平吏來

迎驚聚而逐之

聖祖獵水圍過固安老幼爭留公上曰別與汝固安
一好官何如一女子奏曰何不別以好官與宛平耶
上大笑以爲誠許食知州俸知固安縣事旋權鄒平壽
光諸城數縣有夏姓民競產享銀五千公却之諭卽以
此金遺若弟夏昆季泣于庭睦如初遷雲南曲靖府調
麗江麗江故苗地中甸外控鶴劍內隣姚徒羯獠狼
屯雜一旦隸爲編氓如開洪濛守土者噤跡不肯往公
到爬梳揭瘡俯順荒遺令口樹一本榆畝畜一溝水召
土官爲典吏詣里魁以頭目充除奴籍建文廟定婚壙
禮頒尺籍伍符期年俗化風雨和甘俟錢寶布大行民

祀公于廟號第一太守祠先是民間有遇木則易禾必見日之謠土官土人皆禾木兩姓而公名姓恰合亦異數也遷湖南糧道西安布政使署湖北巡撫沔陽地濱湖淤沉無常田與糧難稅法玩愒公手弓尺丈之按畝輸咳數無訛調撫四川奏減火耗改馬厰爲普濟堂墾田千四百畝登租貯穀養鰥寡老癯乾隆二年請撤河西七兒堡城垣忤旨罷官七年起用甘肅涼莊道尋遷光祿寺少卿以老休于家公豐碩善騎射用弓至十石 聖祖時東宮侍衛德齡以廢太子故逃恃其勇泛海至青州官拘者擁役數十持械無敢前公往剡剡起屢忽抱其背厲之德抽刀公叱之刀落于手 聖祖以

爲日禪縛莽何羅不是過也涿州夜下鄉遇響馬盜方
洶洶劫人公射之殺二人獲一人督糧湖南奉牒禽李
鐵背刺魚大王公偵知竄入旗丁故闕岳州帮禽之案
下至老神明不衰長孫魁官江寧公來就養騎上下山
如飛年已八十四矣甲申十二月某日跌坐而逝公先
娶李氏再娶黃氏俱誥封夫人子國棟官廣東韶州知

府

銘曰仁之徵壽也福之築厚也清畏人知指屣漏也勇
而好禮伏不闕也雲之油油楚蜀覆也大臺南游神彌
茂也聖夏曉般璜而增周邗之舊也厥聲隆隆孫將又
也天其以是鍾美于後也

江寧典史高君墓誌

高氏世居鐵嶺爲鑲黃旗著姓一門印綬棨戟布列中外其官于南者文良公其倬總督兩江相國公其位提督松江君爲兩公猶子初任吳塔司巡檢調江寧典史五年而卒時年四十三于諸高氏子弟中官最卑祿最微壽最天然邦之人聞君死自執法以下至于長輓者丈夫女子靡不發胸擊心殷殷田田若有所窮故何也君性沉厚雖不說學不踐迹而含舒憲章德正應和與人交坦中而肅無賢不肖皆好之家無宛財戚里之貧者襍囊抱釜至君家而炊焉故事游微簿尉流外職也俯項供翼趨走于下風居是職者知無所表著輒不

自重怵以利無所不可爲君獨疑疑自立遇事必問于
義當否雖享錢萬不妄喝一咎大府記下可者諾不可
者爭爭不得必委蛇飢餓于其身以濟之以故死之日
哀聲嗷嗷贈賻引費者接于衢嗟乎人器也官水也
以君而爲尉猶以五石之匏盛杯水也見之者皆知其
不稱也雖然君不肯以不稱之故而自貶以稱之故一
切庸力行務精心帖妥而恢恢之量乃愈不可以測窮
然後知一命之士原可濟時乎物而祿位之不足以格
人昭昭也世之榮貴赫十百倍于君者其相懸亦可
觀矣然則雖以君之官之祿之年而見君家之諸勳臣
諸侯伯子男子于地下誠足以抗顏而無慚焉嗚呼其

銘也。已君為奉直大夫鑾儀衛治儀其僚公之子名慧
字睿功行十一娶某氏子四人某俱幼以某年月日葬
于某

銘曰有幹有體歷百僚底人以為必起而竟已矣嗚呼
此之謂有命無理振古如此莫諒天只

安徽布政使李公墓志銘

乾隆十年十月二十一日安徽布政使李公卒於官江寧令袁枚入奠畢泣而言曰前年枚知江浦謁公於蘇公召入已二鼓與語卽視偉枚今年枚知金陵公來作承宣司彼此舍然喜有無窮言未竟公竟委化枚無以報今將歸塋願請狀以爲公銘其墓府蔡西樵曰公年五十有五不自意死因夫人第三娶也長子某試禮部未歸其季幼奴多村氓賓客輩暫從公遊無能知公者公誠懇其行事坦坦而肅章奏文集成輒削藁諸善狀不能記憶但遠近見者莫不額手曰李公真君子也請畧舉其槩而紀存之枚曰唯唯謹按公諱學裕號餘三

小倉山房
世居洛陽縣以雍正五年進士入翰林累官御史巡道
按察蘇州遷安徽布政使而卒巡京畿時唐山令某奪
僧舍爲民房

世宗怒幾不測公奏書生毀佛愚無大罪令竟免故事
巡城者遇事動咨刑部延累至歲餘公停車決遣獄無
滯留捕博具數十籠曰貪紀錄而置民于軍吾不忍也
杖犯者使去碎其具於庭石爲之凹後過者猶指笑曰
此李公拖轂子處也出使安南披一品服登王正殿宣
聖諭畢乃坐述朝廷柔遠之意公儀觀既偉音節鏗
然其王嗣黎維祐俯伏受命夷言嘆好使臣者數萬人
蜀士司大小金川闕公爲建昌道輕車往撫入密箐中

天日隱黑。猺獠梟目。烏語拔雪刃。喉向公公短。後承絕地。召其渠帥。賜酒食。命譯者曉以大義。羣獠翁然喜折樹枝爲公策馬歸城。乾隆七年。淮徐災。募糧者衆。有司以盜聞。公曰。此饑民非盜也。獄其所活數百十人。夜閱秋審冊。專意平反。燭燼數升。僅臥。胸胸甚酣。而公竟申且卒。以此致病。理安徽災賑。尤勞。遂不起。嗚呼。公急于活人而忘所以自活。使公稍自愛。官必不如是止。所活人亦必不如是止。而卒之公不活命耶。其自致耶。人不能受公之活。亦人之命耶。其轉累公耶。雖然。其自致也。其人累也。乃其所以可銘也。

銘曰。丕蔽邦成。俛焉日有孜孜。而力不支。至于負茲死。

民之思乃卜澗水西灑水東而坎其中以爲公宮嗚呼
其禮祀於無窮

霍邱縣知縣龔君墓誌銘

姚思廉作梁書撰止足傳爲前史所未有益以周易進退存亡之正能其德者之難也故天監至泰清四十餘年而傳中所載祇顧憲之等三人而已吾於今得一人焉曰潁江先生先生宰霍邱年未七十遽投劾歸畫戶限居室無屢聲者十有五年乃卒嚙古之人有卧車上三十六年不履地者有坐木榻五十餘年所當膝處俱穿者其定力足矜矣然彼皆艱貞蒙難忍而制焉非得已也若夫優游昇平投簪邱園而亦復刻勵如是則固其性之所甘而非詭衆博名孔子曰仁者靜庶幾近之似又加止足者一等矣然先生法施于民有可紀者先

生以雍正舉人爲金山場大使海濱漲沙居民與竈戶
利之牽持洶洶先生至曰塘內民也塘外竈也沙在塘
外民何爭訟者噤口去霍邱俗悍家畜兵刃先生示禁
投繳者如雲性篤風義館戶部郎洪文瀾家洪以事頌
繫先生經紀其家愈謹洪事雪後泣拜再謝先生歸後
常自言有五樂而人亦言先生有三事五樂者弄孫栽
花靜攝與故人話舊自問無愧怍三事者看書飲酒小
眠夫人王氏與先生同志雅拙相對如嚴賓然長先生
一歲以戊子九月七日開九秩觴明年己丑正月十三
日卒先生以己丑九月一日開九秩觴今年庚寅正月
十三日卒壽算死期隱相符合亦異數也以某月日合

墓于石潭之原先生姓龔諱鏡字穎江江寧人子元超

次元芳俱以文世其家
銘曰貌瞿瞿古其肩鬚以嬉于庭衢君子人歟而今亡
矣吁

太子少傅河南巡撫胡公墓誌銘

公諱寶瓌字泰舒世居徽州以理學世其家祀文廟者
七人父賡雲教授婁縣因家焉公生十五歲賦牡丹句
驚其坐人年三十舉于鄉有同試禮部者託公賚文書
至京奴憊于期公憮然曰以我故致渠不與試吾義不
獨試也袖筆出考授中書隨大學士查郎阿度地塞外
登醫無閭至黑龍江畢臘再至登爾者庫入烏蘇凡半
年行二萬二千里艾殺棘刺蓬蒿觸抵豺虎茹乾餓啖
雪盡得其險要阨塞乃還時乾隆六年也查公以陽城
馬周薦御試第一擢福建道監察御史遷順天府丞督
學政十三年從經畧傅公征大金川時蜀中軍書旁午

瘴。厲。毒。淫。大。赦。納。四。等。山。馬。契。需。不。度。公。非。屢。徒。步。繩。
索。相。引。嬰。跣。勃。罕。不。納。勺。飲。或。三。晝。夜。一。食。乃。得。至。屯。
營。處。賊。方。張。弮。樓。天。接。矢。石。夾。兩。耳。下。公。簪。筆。畫。策。削。
牘。作。奏。動。合。機。宜。卒。佐。經。畧。降。其。酋。凱。旋。

天子親斟金杯賜公酒海內以爲榮以軍功遷順天尹
加都察院左都御史巡撫湖南山西再調江西鄱陽湖
多盜公立編航法責文武督治盜遂息其年江浙米翔
貴公禁過糴者西粟方舡而下南民賴焉調撫河南陳
汝等州大水 天子詔公與侍郎裴白修分疏水利開
河六十七道計二千五百里繪溝支榦派圖記修濬丈
尺若干勒諸石功成加太子少傅調江西未抵任而河

南又災 天子亟追公還會同大學士劉統勳塞楊橋
口築堤公慮水去而沙停乘賈魯惠濟諸河冲決處刷
宣浮淤俾無梗滯俄而黃流平田皆涸出卽給麥種設
棚廬教之耕耨果汙邪滿車民蘇彫劫十六年扈 蹕
南巡河南姦民誣人謀逆詞連百人公馳驛夜鞠片言
燭奸誅容訴者民皆懼呼性謙謹鞠躬躬然雖監門
廝養尤益敬與鈞然權要鴟張不爲動爲詩文立就不
加點竄尤善騎能日行三四百里某太史以善騎夸公
約至朝各駛馬去某狂奔盡氣入內閣不見公方竊喜
自負而公自內出已批勅數行矣奉 命祭南嶽還松
江上冢知府蔡長濠驚曰吾守此數年不知有八座某

也來謁則蓬華數椽乃嘆息去公感上恩厚年已七十猶刺闈判事極翦萐之勤眸子清碧能白日視鬼神臨卒諸屬吏來受遺言公手指南汝道陳公坐曰避河神陳爲悚然歸竟病三日先是教授公官宣城居正學書院院有王文成公祠生公之夕夢文成手一金軸曰五十年後煩送吾鄉乾隆十六年天子駐會稽命公賁金軸御祭王文成讀祝堂下方知前夢之徵也子某

蔡某

銘曰雖居句如折矩雖飲甘如茹苦能談笑折樽俎能遺馳歷險阻行而供翼坐而俯九命而車上不舞彼何人君子以爲首

徵士程綿莊墓志銘

有清徵士綿莊先生以乾隆丁亥三月二十三日啟手

足于白門之如意橋將葬其同徵友袁枚爲志其墓曰
六經之道如帝都然仰而朝宗者舟驅馬車各以其具
行要其能至已耳惟力之至大者乃卓然獨往而無所
附依或張市禁而申之曰必取庸于某某而後可嗜其
惑矣吾友綿莊深于經者也卓然獨往者也且能至者
也其初博存百家宣究其意已而貫穿合并精思詣微
著易詩書三禮魯論的的然言其所言非先儒所言其
言曰墨守宋學已非有墨守漢學者爲尤非孟子不云
君子深造之以道欲其自得之乎又曰宋人毀孫復疏

經多背先儒夫不救先儒之非何以爲孫復其言如此其著述可知先生名廷祚字啟生年十四作松賦七千餘言驚其長老弱冠舉茂才屢闕于有司遂棄科舉專治經一切星經地志樂律禮儀元元本本識其大者性端靜迂緩其衣冠傳先王語人見之如臨高山氣爲之肅乾隆元年

天子開鴻詞科十五年徵窮經耆老江南大府薦先生應詔天下聞之不喜先生得薦喜薦者得先生然先生疑疑自立是絕公卿門雖兩如京師卒不遇乘僉棧歸余同試保和殿通數語已而官白下相與爲忘年交得謝後買山陰園所居宅相鄰益親每讀書疑必質先生先

生有所作必袖來。或遣蒼頭索跋語。人疑兩人異好尚。胡爲交頗驩。因念唐時韓柳治文章。殷陸治經。所學不同。而韓柳集中折服。乃爾。况余不及韓柳。而先生遠過殷陸。則余之降心以從者宜也。然先生誠何所暱。而殷殷于余耶。豈不以孤秦咸池之音。肯一過聽者已難得耶。又豈不以年已頽暮。荷道甚重。不得不擇一後死者。望其能張而傳之耶。嗚呼。今遺墨尚存。先生不可復見。而余亦將老矣。淮安有先生族孫魚門。恢奇多聞。每假館。余所三人。連日夜語。蟬嫣不忍別。或滿盞送先生出。則兩人者。重剪燈對數。海內人物。必首先生。數畢。又未嘗不歎歎。歎息。憂先生之衰。今先生果卒。而魚門亦遠官。

京師憑其棺而哀者獨余耳。夫天之歲月原不能爲賢者假借。先生卒時年已七十七矣。似可歿而寧焉。然終竟生人如是不使一日居石渠東觀羽儀我。聖朝而又不使知所藏。何山所傳何人竟溘然以歸。冥漠然則賢人之在世與其畢生甘苦可以光日月垂宇宙者。果不足恃如飄風輕雲之一過而已耶。天下學者聞之宜何如悲。又豈獨余與魚門之淚涔涔下也。先生

本歙人。曾大父虛卿遷江寧。其翁被齋。國初隱君子。

生先生及其弟嗣章。嗣章有濟世才。以經讓先生而專攻史學。與先生白髮扶持。熏熏熙熙。各以一家言爲墳。篋之。懽人以比南朝劉瓛。昆季良不愧云。先生有二女。

無子嗣章爲之立孫以某年 月 日葬于某所著卷
帙詳嗣章行畧中

銘曰儒林文苑古無界誰歟劃開成兩戒先生先兼後
割愛抱經見聖升堂拜聞呼參乎唯而退羣儒稷稷立
門外兩薦于天神所介誰之不如命爲擬高文典冊垂
金薤黃河千年清可待恐此人如未必再請碣其原志
所在冢旁艸生盡書帶

高母丁太恭人墓志銘

高公南疇巡江南鹽驛七十餘州縣凡二年一日親詣
校所以狀授曰生母歿十有八年蒙

皇上誥封恭人今大學士尹公爲題行畧人子顯親之
志得稍稍報惟窀穸表誌聲于後人者缺焉未備子爲
我銘而掩諸幽枚謹按恭人丁姓蘇州人早孤育于外
氏贈公聘焉時嫡妻鄭恭人在堂生兩子恭人僂身自
卑守當夕戒惟敬以故無苛妒之嫌司筦鑰燭潘請頰
事無小大罔敢不瀾先舉一女最後生觀察觀察生六
年贈公卒贈公世居閩之平南里隱于橋姚師史之術
擁甲貨走吳吳非其籍也旣捐館兩子來昇柩歸留恭

人與其孤居當是時贈公遺貲既分半入閩存吳者所
與錢通諸客質劑帖子耳恭人鬻女次持紡磚教觀察
溺苦于學小不善禁督立絕一日者張飲置具召券中
客列坐四隅酒行攜觀察出扱地謝曰諸公君子也豈
負人者哉所以存空券于氏夫者必力有不足故也今
未亡人與兒儻然隻立日供數溢米足矣又安事券請
客悉持去以成先夫之義而與此子之才語畢命女奴
負巨篋至散如落葉券中人皆嘆且愧有泣者居亡何
客感其義咸來收恤或倍取贏以故觀察得中興其業
循例入費廉江西驛鹽道署按察使事再調江南嗚呼
孟敏不顧破僮郭泰以爲得決捨義可與入道况數干

金。盡。指。券。哉。然。馮。驩。代。人。焚。券。宋。清。自。焚。其。券。皆。男。子。也。皆。百。人。中。無。一。者。也。恭。人。以。閨。閣。而。能。出。乎。百。無。一。人。之。行。然。則。以。子。貴。受。封。寵。榮。烏。爽。其。所。以。致。之。者。固。其。理。也。準。于。古。法。宜。銘。恭。人。初。撫。孤。時。年。四。十。八。再。二。十。年。而。卒。葬。某。

銘曰。困。然。後。激。失。然。後。得。老。子。之。識。匪。逸。不。淫。匪。勞。不。歛。敬。姜。之。心。休。禎。偉。兆。芬。芳。淵。鬱。天。所。相。兮。不。僅。其。廉。邾。車。而。載。地。所。貺。兮。嗚。呼。子。孫。欲。歛。母。儀。視。此。壙。兮。

李詡菴先生墓誌銘

李君棠治上元七年循聲倏然大行今年秋將葬先人北歸而以其狀來曰吾父雖未從政無所繩美然觥觥東修百行純懿懼氓焉以重棠罪君曷碣而掩諸幽枚年家子也其敢以不文辭謹按先生諱大章字詡菴河間人生七年而孤治經有法爲文能勃率爲理窟甫冠補弟子員秋試不讎遂不復試鄉人王仲穎以學行聞先生奉所咫聞跬步必規鄉黨高此兩人稱君子者必曰王李長子棠以進士知句容上元舉最遷邳州牧未行先生卒今夫有司之于民父也然則有司之父民之大父也人但知恩其父而不知推恩之所自出者非也

昔雋不疑尹京兆其母必問平反幾何以秩膳加減引
兒于仁婦人且然而况于趨庭者乎李君之賢也其奉
教于先生者之效也先生之教李君曰事君者承意事
父者儀志汝父之志居句如矩辭隆就窳兒其志之以
故君粥粥然大讓如慢自同僚至大府皆曰李君真長
者囚當笞移舍決之懼先生聞而戚也然先生極知政
體二十一年句邑災莠民墾糴于鄉棠欲窮竟懼事生
意不能無難先生曰周官荒政以安富爲先富之不安
獄必繁兒宜威以法如其言民情始安初先生孤露時
有從父與祖者扶先生先生感焉終其身嚴事之有所
作負墻啓白後領首乃退其篤行如此子六人孫三人

棠之子名燧者尤穎異才勝衣通經吟詩人以爲盛德
應云壽六十六以某年月日葬某
銘曰以道行不以道鳴卒以子孫亨鳴呼此其塋

元和縣知縣吳君墓志銘

吳君魯齋以乾隆二十一年舉人奉

天子命來江南權常州督捕遞到蘇州管糧同知再權
丹陽荆溪江都金匱元和五縣事未印真以服去官服
關將如京師中風暴卒君能行考中度衷之政單均刑
法戢和士民以故上游同官爭悼惜走奠而其友素救
哀之爲尤深嘗謂士不用悲川之而不盡其才尤悲有
龔黃焉隱於泥塗人無由知也用而效效而卽休人之
心能忍然乎然或者抱其道忤於世以自狹其猷爲則
亦曰人事之未善焉君業已上孚下權而抗以無年者
乃在悠悠之天天之愛民甚矣能代之愛者偏又奪之

速何哉。豈所謂命者。果天亦無能爲而東限人。竟如是其毒也。悲夫。君辟穆其容。而有不撓之識。江陰令某爲民所困。大府命君率兵往。君不可曰。撫民而兵滋之疑也。單車曉民。誓伏以散手。不釋書卷。尤工詩。有集若干。以文學推予。甚敬。旣而告人曰。袁公非沾沾文學者。嗚呼。其知我如是。其自待可知。君名賢。字思焉。晚白號魯齋。休寧縣人。先娶查氏。再娶楊氏。生二女。一適茂才姜晉。一幼以族子某爲嗣。

銘曰。如驥能馳。如雨能施。而止于斯。如之何勿思。

江寧南捕通判高公墓志銘

高槐堂先生任江寧南捕通判二年病卒邑之人走位相弔泣且言曰自有此官從無此公蓋通判貳太守于令爲長權輕而勢逼故避嫌者往往迂緩養名而任事銳者又或乖于正先生聽訟如懸鏡樹臬各以其影應民多捨令來從先生先生摩之則涕泣抱牒宿廡下不去令妒有慍色然亦無如民何也

天子南巡大府屬以供張事先生晝理襍徭夜決獄燭跋滿沉神思焦然收嘉先生勤憂先生病已而果綿惓以終其子文照高才生將葬馳狀來曰先生爲政非獨江南然宰德興縣時微服行里廛聞書聲輒多戶入爲

講解不倦禁一切博拵攘諭風符下卽此調知德化縣
縣當九達之衝軍籍濶錯門匠因緣爲姦先生案覆術
冊科別其條輸輓者帖帖無調語擢揚州清軍同知方
修水利排治梗湍而以失察漕事故改通判權知奉賢
縣縣有民某被盜有王三者詣府伏罪先生疑之窮竟
其事果亡命賊甘自誣冀陷其仇先生置此賊于獄而
釋所陷未幾獲真盜民懽噪稱神先生始任戴冠卽濟
躬味道子學靡不窺而尤深性理魁踞靜坐若與濂洛
諸賢抗手接席者然遇人無町畦無賢不肖輒僂身
降階暖曖殊道先王語引之于善以故悅尼而來遠
兩丈下童冠如雲兩校秋闈得江左右士極盛所著求

復集二卷詩文若干先生姓高名植字槐堂雍正乙卯
舉人乾隆丁巳進士浙江武康縣人壽六十七葬某
銘曰俗吏之斷斷兮夫子之肫肫兮儒者之能薄兮夫
子之政卓兮頽而萎而侯不唱而葬而藏而疇敢忘而

江蘇按察使李公墓志銘

公姓李諱永書字綬遠號芳園先世盱眙人自明指揮
雄從成祖北遷官于瀛州遂家焉祖父俱邑庠生以公
貴贈如公官公美鬚眉豐頤長身有聰識強力遇事麻
集乃益靜而不換色而徐徐就理務出于善乃己雍正
十三年拔貢生 廷試一等初宰福建長泰縣調晉江
晉江俗悍好鬪有施鄒者海梟魁也奪民婦劫商賈財
橫行自畫中公將赴任總督德公迎謂曰施鄒巨猾我
已奏聞 天子索之急卒未得奈何公偵知鄒匿女兒
所而其猛且多黨遲則事洩乃于抵任日暗集健步弓
手設伏環之而夜率役破門入鄒方熟寢驚卽拔大槌

走屋上拒捕。或鈎其股以戟。股斷顛。遂擒。以徇。遷泉州府西倉同知。因公鑄級降補荆溪縣。調常熟。再調元和。又因公鑄級大府。奏留辦災。題補武進縣。累遷海州知州。蘇州知府。蘇松巡道。江蘇按察使。又因公鑄級以病歸。家居八年。卒。年六十九。公所到以強毅稱。姦胥豪民望風警伏。然中寬治獄。多平反。浙省李家莊毗連吳郡羣匪。募焉號小梁山。浙有司張其事。捕以兵民聚而鬻。飛瓦擗拒。浙撫以叛聞。事下江南督撫總督尹公檄公會鞠。公見囚累累。數百。餓色焦然。知有寃。乃先給淳漿。徐受其辭。部別首從流。數人杖若干人。獄遂平。公聽州縣訟甚敏。片詞立決。及任按察使。每訊鞠。款款數千言。

或申且案猶牘留人以為疑公曰州縣與民親中無隔
閔得其情可以決遣臬司與民遠矣自縣而府而司其
間文卷繁重吏胥鉗伺畧有舛午動至重辟我盡十分
心猶未敢放一分心也卒以勘轉遲被劾而識者觀其
過愈知其仁尤長水利為民計久長葺常熟之福山塘
海州之六塘河松江之五湖三泖皆有顯績民至今利
賴之娶王氏再娶郭氏俱封恭人子四女三壘曹家村
銘曰惟髮得櫛則統惟星在北則拱公能靜鎮物簡御
冗故斂之為沉幾之智而放之為仁者之勇嗚呼此其
象

浙江按察使李公墓表

乾隆元年春湖廣總兵崔某劾大學士鄂爾泰苗裔失機是時鄂方以首相受

世宗遺詔輔政天子怒下崔於理刑部九卿議崔罪斬立決右審司主事李公治運年二十餘獨持不可曰如是將敢大臣擅威福之漸崔因是得末減而小李主事之名震天下其年秋余薦鴻詞科入都受知於公父編修重華公世所稱玉洲先生是也得交公公狀短小豎眉秀眸微鬚爲人端靜詳審無多言終日坐轎車赴部決事他人休公不休以雍正七年進士授刑部主事遷員外再遷禮部儀制司郎中送琉球國使還主廣西

鄉試督山東學政俱有聲。天子知公練刑名，改授陝

西榆林府知府。尋遷湖北糧道。安徽按察使，調浙江公

吳江人。最鄰浙。在浙八年，民無聽請之嫌。戚朋無矯情

之怨。人以爲難。嘉湖二府連訟，御震澤漁匪竄焉。公頒

舟式而編排之。盜風爲清。紹興、寧波兩府近海出洋者

多爲姦。公命州縣核其貨書。其年月姓名按籍鈎考。姦

無所容。常言例雖繁，統于正律。心能小，自能活人。每勘

獄窮，日夜孜孜爲求其可生之路。巡撫某不悅，劾公迂

緩。沾名。天子休公于家時，太夫人年八十餘，公得歸

養。願以爲懼而漸之士民，送者涕泣不能去。三十六年

七月，枚過吳江，公病已篤。聞枚至，力疾出見談。天下事

七月枚過吳江公病已篤聞枚至力疾出見談天下事

侃侃然蓋身雖衰用世之心尚在也別後一月薨年六十二子會辰墓公罪來乞表墓且云公在浙平某獄甚善歸當取原贖相付已而書來檢寄無從以爲大感子謂會辰無傷也漢丁公自言活人多後世當興幸其所活何人史莫得而詳也嗚呼此其所以爲陰德歟公字寧人一字漪亭夫人張氏子一女三壘某

郴州知州曾君墓表

乾隆七年予與曾君南村同以翰林改官江南予知沐陽君知蕪湖十年予調江寧君遷知廣德州十三年予乞病君丁內憂十七年予起病君起服相逢京師是年秋予丁外憂歸隨乞養母不復出君知平定州再知郴州自此音問遂絕今年君之孤衍甘寄書并狀來乞予表墓計君之亡已十五年矣嗟乎當十五年前予與君宦遊輒迹諧笑懼呼蓋無日不相同也中年乖分彼此不以爲戚而君又儀狀偉然類大人長者謂造物之籠君必將未艾何聞信不祥始驚惋哭奠而卒不得其年月日時每欲緜其家安否窺窬營否兒子輩成立否

路遠莫致中心拳拳一旦既葬請表如君之靈隨以俱來此予之所以悲且喜投淚疾書而不暇讀其狀之終也君諱尚增字謙益又字南村山東長青縣人雍正十三年舉人乾隆二年進士四年補殿試 欽授庶常外用後歷一縣三州士民大和晉省多疑獄君牧平定時奉檄辦治平反無算廣德民爭河五年不決君偵知過訟者某也挾以同勘情見勢屈片言而定蕪湖啓行吏民泣者送者持靴者擊酒漿者絡繹遮迓擁馬首不得前黎明登車至日昃甫出城邨耆吳夫人病不能興女衍綸抱母哭翼其身而覆之呼之出不出俱焚死五歲女孫亦死嗚呼君仁人也每決一筭不忍諦視而乃

親見其妻女孫三代哀號焦灼于灰燼中誠何以爲心哉君之脫于火而病病而辭官官罷而卒于邸舍此人事之可知者也君之賢君妻君女之孝而受禍若斯之慘此天道之不可知者也然而君所莅有碑有生祠邨民立曾孝女廟醜享曹娥嗚呼是亦可以無憾矣君詩文清婉有穆如堂稿若干卷卒年五十三夫人張氏諱封宜人合墓于某子二人長衍杜邑廩生次衍模早卒女三人乾隆四十年秋七月錢唐素枚表

吉安府知府王君墓志銘

乾隆壬戌予需次白下寓王僕巖太史家見其從子銘琮年二十許風骨秀整心異之未暇與深言他日晨起有肅衣冠拜床下者銘琮也曰琮願爲弟子而未啓叔父故無能具束修先生幸毋見擯振其袖而出之文二篇受業姓名一紙予嘉其志卽取盥而水磨墨爲勸其文而以師自居亡何予宰沭陽遠與王氏稍踈乙丑調江寧君已舉順天鄉試時時入署宴飲笑語相樂也予奇君肩宇謂必當居清要輒舉石渠天祿事與談而君好觀予判牒治文書或竊倚屏間聽折獄怪而問之笑曰琮有志于此遲久先生當自知丙寅果援例得湖廣

竹山縣知縣戊辰調監利薦卓異于朝癸酉奏遷漢陽同知未赴任擢江西吉安府知府再薦卓異于朝亡何以失察事鐫級天子召見發直隸以同知用權知深州爲御史戈濤所劾再鐫級補易州州同援例得運判發浙江權烏鎮同知未半年卒君才敏而守廉能發姦摘伏竹山婦訟盜殺其夫君君驗踪跡非是屍所立山東氓神色可疑因何業曰竹工召之治竹詰其右手傷以誤運削對君曰此齒痕也汝縛殺某村人爲所齧耳其人駭禁聲訊之果姦殺也泰和民劉子貴殺人取財與族弟子佩販米事發引子佩同謀并及其同舍某三人俱擬斬獄具君隔囚而訊得其寃當君筮仕時子猶

宰江寧尊人毓川公常來笑且告曰兒學先生勤速判
案到監利初受牒一千今減至百矣逾時又來告曰兒
學先生訪姦榜其名于四門今果奇邪譎觚者逃矣逾
時又來告曰兒學先生與文教召諸秀民與子弟同學
今一邑中甲科接踵矣予聞之雖喜君能得吾意以治
民而終以地隔千里靡所徵驗後十餘年君已死偶讀
望江進士槓萃集有過監利頌王公道愛詩悞君爲古
人方覺君之爲循吏也信嗚呼君生逢盛時年未三十
在縣課最在郡課最所受知大府如陳文恭方敏愨諸
公又皆一時名臣能引擢人此其隆隆而升奚待問耶
乃安流穩柁中風忽起而尼之隨起隨顛相齟齬于意

外。不。得。已。裁。謀。鹽。筴。一。官。以。圖。溫。給。其。初。心。寧。及。此。哉。
更。靳。此。區。區。而。戾。以。無。年。然。后。知。世。之。賢。人。君。子。往。往。
自。甘。頹。放。匪。其。恬。淡。性。成。亦。繇。蒼。蒼。者。之。無。能。勸。善。而。
反。有。以。折。其。氣。而。傷。其。心。故。也。如。君。其。明。驗。矣。悲。夫。卒。
時。年。五。十。五。先。娶。周。氏。繼。娶。黃。氏。劉。氏。俱。封。恭。人。子。鏊。
憲。官。內。閣。中。書。女。三。人。以。某。年。月。塋。某。
銘。曰。傳。我。文。者。多。傳。我。政。者。少。惟。子。能。之。而。惜。其。半。途。
而。天。嗚。呼。此。豈。徒。君。一。身。一。家。之。不。幸。而。已。耶。雖。然。終。
有。天。道。留。子。一。老。爲。君。墓。表。

小倉山房文集卷五

錢唐袁枚子才

虞東先生墓誌銘

乾隆十五年

天子詔舉窮經之士。公卿大夫知膺此選者之難也。舉海內士僅五十餘。而大學士蔣文恪公首以虞東先生薦。先生姓顧名鎮字佩九居蘇州昭文縣縣有虞山學者。因號爲虞東先生。乾隆戊午舉人甲戌進士補國子監助教。遷宗人府主事。充玉牒館纂修。年老乞休。以原官卒于家。先是虞山陳見復先生以遊學清望設教紫陽。先生往執弟子禮。惟敬一切經解史義。往復辨難。察

穴詣微得古人所未有見復先生死先生駕其說而恢張之以經師名天下先設教金臺書院再設教游文書院白鹿書院而終之以鍾山書院先生惇良介朴善誨人每閱文數百卷旁乙橫抹蒿目龜手一字不安必精思而代易之至燭燼落數升血喀喀然空湧而蠶眠細書猶握管不止余嘗勸其少休諾而不輟然學者領其意旨往往速飛以故迺企塵躅屢蹠足而至者如望日光聽建鼓而趨

本朝庶孫爲祖庶母服功令無明文崑山徐氏通考言人人殊先生爲定三年服引禮經曰父之所不降子亦不降也作兩議千餘言詞甚辨鞏備無以難也貌端厚

有腹尺豔下而得恩從子寡嫂甚孳常夜坐有隣人子
窺其垣先生麾使去不以告人其人慙卒爲善士所著
虞東學詩十二卷三禮劄記十帙古文詩若干其先爲
吳丞相醴陵侯之後妻吳氏誥封恭人長子言遠次詢
銘曰年之不如而京兆同舉才之不如而臨終推許曰
以吾生平累汝嗚呼先生抱經而處無失于今有得于
古壽七十三葬正月五門生書碑門童負土支村之西
銘字之塢

司經局洗馬繆公墓志銘

乾隆己未冬枚以年家子拜南有先生於蘇州之里第見先生蒼顏秀眉揚衡含笑望而有典型之歎今辛卯歲先生恒化久其子敦仁等將奉先生柩與其配陸太宜人合塋於某而走索枚銘枚伏思繆氏以科第顯吳門二百載氏族華腴如班。楊。崔。盧。海。內。延。望。雖。門。風。之。盛。天。實。相。之。而。要。其。經。德。秉。舊。屬。累。以。基。之。者。必。非。無。自。謹。按。其。狀。以。聲。於。幽。宮。曰。先。生。名。曰。藻。字。文。子。晚。年。號。南。有。居。士。其。先。從。常。熟。遷。吳。曾。祖。國。維。萬。歷。辛。丑。進。士。官。貴。州。叅。政。生。慧。龍。慧。龍。生。彤。官。翰。林。侍。講。生。先。生。先生生而凝重甫勝衣能爲學築大字今西禪寺題額

有過者猶爭指口此繆翰林十歲時書也康熙乙酉舉
人乙未進士授編修丙午加日講起居注官隨遷司經
局洗馬壬子視學粵東甲寅以失察所屬鐫職

今上元年召復原官先生以母老辭遂不起凡先生官
禁近十八年校京兆試者三校禮部試者一與纂修者
三其他受尚方珍賜無算朝野盼先生大用而先生得
一事爲名遠棄官卽休人皆以爲疑不知先生所居爲
勾吳勝地獨具清曠善鑿法書名畫而力又足以致之
海內金題玉爨爭趨其門如矢赴鵠先生購其尤巖賞
密蓄花月餘閒遊日自娛人望若清秘冊府魯殿靈光
者垂四十年嗚呼此豈三公八座所敢碎睨其下風者

哉當在官時有要人說之往先生辭不行其人旋敗論者謂先生享福之清由其識力有以致之非偶然也性友愛與弟曰芑同官翰林白首無間女兄弟十二人其孤嫠者收穀之買奴良家隨焚其券僮碎寶硯微笑而已常劾愆後人曰左氏驕奢淫佚四字其病皆從佚起也汝曹勗哉率年八十先是待講公以康熙丁未廷試第一先生以康熙乙未廷試第二待講公以康熙庚戌會試領詩經房先生以雍正庚戌會試領詩經房大叅公以萬歷壬子典試粵東先生以雍正壬子視學粵東先生以康熙乙未入翰林長子敦仁以乾隆己未入翰林父子祖孫後先遙應支干官地胥蟹符合誠爲異數

然先生以一身而上兼祖父之榮下啓子孫之蔭嘻其盛矣夫人陸氏爲乙丑狀元澹成公女初來歸室有火災先生外出夫人神色不變呼家人急奉移家廟栗主毋不敬其識量如此後公七年卒子三人長敦仁官庶常次遵義乾隆進士次近智候選待詔

銘曰前卿雲兮後景風公如月兮照當中輝紫闕兮光元穹拉咎單兮逐奢龍豹德音兮撫大東厭傑直兮安細馮嬪然逝兮鶴然從越王沼兮吳王宮竹素奉兮烟雲俱曼而餽兮翠而饗適來順兮適去終化臺潔兮禪窟崇樹之藥兮翼以松靈一闕兮山重重

李晴江墓誌銘

乾隆甲戌秋李君晴江以疾還通州徙月其奴魯元手
君書來曰方膺歸里兩日病篤矣今將出身本末及事
狀呈子才閣下方膺生而無聞藉子之文光于幽宮可
乎九月二日拜白讀未竟魯元遽前跪泣曰此吾主死
之前一日命元扶起力疾書也嗚呼晴江授我矣其何
敢辭晴江諱方膺字虬仲父玉鉉官福建按察使受知
世宗雍正七年入覲 上憫其老問有子偕來否對曰
第四子方膺同來問何職且勝官否對曰生員也性憊
不宜官 上笑曰未有學養子而後嫁者卽召見交河
東總督田文鏡以知縣用八年知樂安邑大水晴江不

上請遽發倉爲粥太守劾報田公壯而釋之募民築隄障滋水入海又敘東郡川谷疏淪法爲小清河一書載之省志十年調蘭山當是時總督王士俊喜言開墾每一邑中文量弓尺承符手力之屬麻集晴江不爲動太守馳檄促之晴江遂力陳開墾之弊虛報無糧加派病民不敢肺附粉飾貽地方憂王怒劾以他事獄繫之民譁然曰公爲民故獲罪請環流視獄不得入則擔錢貝鷄黍白墻外投入瓦溝爲滿今天子卽位乾隆元年下詔罪狀王士俊凡爲開墾罷官者悉召見詔入城已二鼓守者卽夜出君子獄入都立軍機房丹墀西槐樹下大學士朱軾指示諸王大臣曰此勸停開墾之

知縣李蘭山也。願見者或擠不前，則額手覘曰：彼願而長眼三角芒者，是耶？少宗伯趙國麟君父同年進士也。直前握其手曰：李貢南有子矣！悲喜爲之泣。奉旨發安徽以知縣用。晴江乞養母家居四年，服闋補潛山令。調合肥被劾去官。晴江之言曰：兩漢吏治太守成之後，世吏治太守壞之。州縣上計兩司廉其成，督撫達於朝，足矣。安用損朝廷二千石米多此一官以碁間之耶？晴江仕三十年，率以不能事太守得罪。初劾擅動官穀，再劾違例請糴，再劾阻撓開墾，終劾以賊皆太守有意，督過之故，發言偏宕，然或擠之而不動，或躡而復起，或廢而不振，亦其遭逢之有幸，不幸焉。而晴江自此老矣。

晴江有士氣能吏術岸然露圭角於民生休戚國家利
病先臣遺老之嘉言善政津津言之若根於天性者然
性好畫畫松竹蘭菊咸精其能而尤長于梅作大幅丈
許蟠塞天矯于古法未有識者謂李公爲自家寫生晴
江微笑而已權知滁州時入城未見客問歐公手植梅
何在曰在醉翁亭遽往鋪氍毹再拜花下罷官後得噎
疾醫者曰此懷奇負氣鬱而不舒之故非藥所能平也
竟以此終年六十葬某

銘曰揚則宜抑不可爲古劍爲碩果寧玉雪而子子毋
脂韋而瓊瑣其在君家北海之右崆峒之左乎已而已
而知子者我乎

山東巡撫白公墓志銘

皇上御極之十有七年姦民構逆語假吏部尚書孫嘉
淦諫章流傳山東巡撫準公獲一紙交臬司某窮竟其
事務得主名再奏適滇省以聞臬司懼越奏之上疑
公欺致公于埋公之獄詞曰未得偽造者姓名遽妄奏
臣不敢也且緩之則易于鈞考罪人斯得暴章之則彼
或聞風竄伏而平民轉罹于辜故隱忍不發此臣罪也
擬大辟固當 上憐其愚赦之發香山監工以老病卒
公由筆帖式內府主事受知

世宗累官福建將軍乾隆元年改官巡道公以疾辭
上怒籍其家無長物得簿自出使迄入都公私出久緘

毫如列眉。上以爲廉授長蘆鹽院調兩淮公率較引課辨其贏縮不忸怩小利不責奇羨分剗節度有不便輒弛以利民九年巡撫安徽先是廬鳳地磽陿多遊民饑卽避宅槩遊獵魚搗鼈挈其孥搥小棘野歌句錢或請禁之公憮然曰本之不清末胡能治命守令申畫郊圻課民耕貸給犁鋤外延染人機工教躡絲法畜蠶樹桃麻桑柘朝夕程督耒耜年民戀其業驅之不行今鳳潁滁毫所織絹帶絲布轉鬻蘇杭數州加兵部侍郎撫廣東調山西再調山東十六年上南巡自德州至紅花埠凡十三營公修扞督治惟敬或勸拘虎豹備彈絃踣躡爲供奉者公大驚曰皇上爲觀河省豫巡狩

璽書如日爲大臣者耳目未愼其可避 詔以非道悅
耶除方物外無所貢泰山孔林外不置供頓清蹕除道
而已公貌不踰中人而舉止嚴重暗室坐未嘗跛倚眴
人目微斜遇大事虛已集議既定屹不可動撫廣時西
洋人某誘澳門民夷言服其國服連惠潮諸州公怒毀
天主堂懲治之洋人大創安南國王爲其臣鄭杠所弑
國亂羣姓角爭互乞 天朝兵爲援公欲奏以一旅師
深入誅篡弑者爲設 邵置吏仍歸漢唐版圖會與總督
議不合而罷論者惜之公姓白名準泰字健齋號雪村
正黃旗人賜姓他喇氏先世爲高麗人子某葬某
銘曰藥先嘗而后進之父言先擇而后告于天觀形者

似。乎。逆。而。原。心。者。覺。其。賢。以。是。歸。田。以。是。獲。全。又。何。嘗。
焉。而。况。乎。七。十。有。二。之。高。年。

方綺亭先生墓誌銘

余僑居江寧少所推許心雅重綺亭先生凡某所意不欲往聞先生在焉則必往先生賸于耳而宏于聲有所論議矩已絜人慮弊俗之難曉也必騰其輔頰挾張叫呼如鐘撼空鶴唳天一坐傾靡然卒歸于正樂道人之善詆姦姦頑窮極形態使人笑吃吃不能休先生方姓名求義字綺亭以順天貢士與修

聖祖實錄成議敘引見得宰龍南再宰上猶年五十三乞歸七十六而卒性醜粹任真推誠不務張施吏民馴伏攝安遠災承宣司不許糶穀先生愀然曰藏穀爲災災而不糶安用穀爲乃空其倉予民通牒大府撫軍陳

文恭公嘉之符他邑爲例乘舟棧車咨詢桑麻村民嬉
嬉如其家兒皮鼎彝潢治書畫真贗相驛被給不悔學
道家言橋引肯嫉自夸其能卒皆不讐蓋先生天倪甚
和寓于物不滯于物以故毋意毋必所訢如也今夫色
莊之士肖翹其容而人望望然去之先生不自拔飾率
意姍笑而人樂從之游無他真僞之殊也然則使先生
果得長生之術以久居人間必能挽末俗以還千古而
天備以中壽斯之此余之所以不爲先生悲爲世悲也
然道家以真人爲先仙人爲次如先生之真氣蟠塞久
已加仙人一等而又何必私形骸以拘拘哉尤敦族誼
愛風雅恩其從子裕曾等如已所生攜布衣陳古漁詩

走保定將薦之制府敏愨公既至先生病公亦病慮負
諾責乃半夜力疾起撼敏愨公床歌與之聽敏愨公果
以爲佳遂相與奇賞申旦其篤誠如此世居桐城高祖
詹事公拱乾移居江寧夫人何氏子四女五壙上元縣
之清風鄉
銘曰不洗而耳不污不杖而老不扶不墨墨以徇俗不
稜稜以譎觚形則隨化盡矣而神則與天爲徒古人有
今人無嗚呼

范西屏墓誌銘

有清奔國手曰范西屏。吾浙海寧人。父某以好弈破其家。弈卒不工。西屏生三歲。見父與人弈。輒啞啞然指畫之。十六歲以第一手名天下。當雍正乾隆間。天下昇平。士大夫公餘爭具采幣致勅。敵角西屏以爲笑。娛海內。惟施定菴一人差相亞也。然施斂眉沉思。或日昃未下一子。而西屏嬉遊歌呼。應畢則哈臺射去。嘗見其相對時。西屏全局僵矣。隅坐者羣測之。靡以救也。俄而爭一劫。則七十二道體勢皆靈。嗚呼。西屏之于弈。可謂聖矣。爲人介樸。弈以外雖說以千金。不發一語。遇窶人子顯者。面不換色。有所畜半以施。戚里余不嗜弈。而嗜西屏。

初不解所以後接精髹器者盧玩之精竹器者李竹友
皆醇粹如西屏然後嘆藝果成皆可以見道而今日之
終身在道中令人見之佛然不樂尊官文儒反不如執
伎以事上者抑又何也西屏贅于江寧無子以某月日
卒塋某有桃花泉弈譜傳世

銘曰雖顏曾世莫稱惟子之名橫絕四海而無人爭將
千齡萬齡猶以棋鳴松風丁丁

吳省曾墓志銘

無錫吳省曾字身三善貌人行篋中畫稿如梵夾皆今之士大夫也擷之不相識則已有相識者其人紙上可呼爲予作隨園雅集圖沈文愨公年九十餘陳生熙年十七隨其老少警咳宛然其用筆如勇將追敵不獲不休又如神巫招亡專攝魂魄蹕絕之能生與性俱弟子數十皆莫能及爲人朴而靜短小而多癡鄉音喃喃不伐其伎人多昵之年未五十卒予哀夫世之人不能不死其身可以不死其形能使之不死者省曾也省曾死則天下之人之形皆死故予其塋也哀之以銘

銘曰天畀人容人各不同故曰化工君奪天巧其胡能

老

の
一
月

五
日

三

亡姑沈君夫人墓誌銘

有姑適沈氏年三十一而寡無所歸歸奉母守志撫其姪枚六十四歲卒姑少嫻雅喜讀書從禮而靜爲大父所鍾愛枚剪髻時好聽長者談古事否則啼姑爲揩撫史書裨官兒所能解者昵昵妮妮不倦以故枚未就學而漢晉唐宋國號人物畧皆上口枚讀盤庚大誥肩蹙姑爲負劍辟咎助其聲以熟寒則襲癢則搔朝醕而夕浴皆惟姑之求嘗嘆喟曰汝他日能念我乎對曰不敢忘及枚貴改葬姑姑沒已十年枚嘗讀韓退之乳母李氏墓志羨其能見退之成進士能受退之婦孫列拜上壽能藉退之墓志傳其名痛姑之賢且親不及見枚

成。名。不。克。受。枚。一。日。養。其。能。傳。姑。與。否。又。未。可。定。嗚。呼。
爲。可。悲。也。墓。在。仁。和。半。山。大。父。母。之。塋。旁。爲。之。銘。曰。
昔。有。義。姑。在。魯。能。字。姪。如。母。吾。姑。如。古。以。將。吾。撫。其。節。
尤。苦。呼。負。負。恩。未。酬。書。梗。概。掩。諸。幽。

徐州府知府熊公墓志銘

余同官熊君會琰字公玉少爲無訾省以豪間及仕撫
秘豪強僮仆無所避方領習矩步者疾之如仇然趣人
之急揮財可川谷量重取與然諾厚施而薄望逢大患
難輒脫卒不得大用賈志以歿曾祖妣盧孺人明季罵
賊死君貴得旌于朝以武學生入粟選松江府上海尉
府吏有事于縣假坐尉署狎尉而倨君怒召役笞之役
跪白不可君命先笞役役不得已笞府吏三十吏哭訴
于府府大驚以爲尉癩會奉上檄禽松江盜號攔江網
者勢張甚巡道王雲銘約遊擊某用兵君奮曰尉願往
不須兵王壯而許之君挾兩役直入盜藪呼曰熊少公

來盜數百環弓矢待君君獵纓坐階曰孽矣汝等猶夢
夢耶昨巡道遊擊提兵三千欲會勦汝無噍類尉雖微
官慈不忍不教而殺故來曉譬汝肯以一巨魁從我者
大府必喜喜則我能代求輕法餘取改過一結狀了事
矣于汝何如皆泣下曰唯命次日長繩牽攔江網入城
老幼聚觀若堵墻王與游擊大奇之共薦署丹陽主簿
之官日臘月二十三矣忽出片紙喚七捕供所匿盜七
人者相與目笑之君刑鞫不得盜不已漏下三鼓得十
三盜令慙君又以事答兵守備亦慙文武將交証君君
亦持守備陰事張狀陽言馳白撫軍會撫軍檄君赴轅
令與守備大懼泥首謝君笑曰公等足與治乎置酒為

誓焚牒而行尋遷寶應令調丹徒

天子南巡督修金山行宮太守朱某酒徒也醉謾曰好爲之誤者祈頭君作色起曰公何所見之晚也果誤

巡狩事所者只會玠一頭耶不揖而出遽傳太守命停工三日羣匠寂然朱大窘召而謝之曰吾過矣固知公之可以禮喻而不可以威劫也君喜乃治事如初總督黃文襄公以嚴聞所屬不敢仰視過丹徒爲他事嫌君無所發怒乃以馬食民禾讓君君爭曰會玠能治民不能治馬且食民禾者卽公馬也見責不服黃震怒繕章將劾君司道爲婉請按君項令跪謝君僵立不肯黃笑曰果然癩尉也勿與較尋知海州遷守徐州所善邳睢

同知周冕負課三萬擬斬繫揚州獄君詭稱有質訊事
檄調來徐爲之代償淮揚道孫庭鉞素有隙知之將劾
君君先中以危法孫竟誅而君亦禡職再起爲海防同
知坐工料不實罷歸卒年六十一君澀重少文語帶儉
楚雖強直風發而勇于縱捨澗撫鄂樂舜簿錄時家口
過徐制府尹公命君露索君卽時報畢尹疑其寬重檢
得隱金三百怒詰君君爭曰公鄂戚也故能入內至夫
人婢妾所誘取釵珥箱篋以市公會珍鄂屬吏也鄂公
已死孤兒寡婦無罪會珍忍弛其褻衣使一簪不得着
身耶非無以答高文良公撫蘇時君爲外巡官內發竹
筒中紙一卷蠅頭書付君檢校君不視而焚之高怒君

曰此不過書吏關節耳一檢校便與大獄察淵魚者不
祥高謝之其挺切皆此類也夫人徐氏子三人某以某
月日葬某

銘曰收束百骸歸以胆。眈天。睨地。無不敢。南山白額虎。
耽耽縛之如豕。笑而噉。焦原不顛。平地。鼓未竟。其施心。
尚欲開。公元堂風慘慘。萬古白虹起。此坎。

禮部主客司郎中兼鴻臚寺少卿高公墓志銘

嗚呼此我朝卓行君子高怡園先生之墓也先生姓高名景蕃字崧瞻一字怡園先世爲宋助戚從高宗南渡先居山陰後居杭州高祖咸臨知福建永安縣死土寇之難

世祖章皇帝贈按察司僉事謚忠節祖鳳盤父組綬俱郡文學以先生貴贈中憲大夫先生行二中雍正二年鄉會試選山西樂平縣知縣莅任六年內遷刑部湖廣司主事再遷山東道監察御史出爲福建興泉永道內補禮部主客司郎中提督四譯館兼鴻臚寺少卿以老乞休家居數年年七十八卒先生生有至性七歲喪母

哀毀如禮事伯兄甚敬少授生徒貧有賈人持金丐爲
立傳堅拒不可興泉永道駐廈門海商聚泊多奇服怪
民以故前官來荷校列戟甚威先生一切屏撤正已以
臨儼從蕭然不市外洋一物宵小之因緣爲姦者望風
遁矣雖柔和不妄督而摘伏如神樂平縣有殺人于
郊者主名不立先生診屍旁顧一氓曰殺人者汝也訊
之果然或問故曰衆人堂視渠獨斜睨而遠探必有內
怯于心者是以知之衆皆讐服刑部吏或受賕舞文持
決事比來試先生先生笑曰某事當引某例不得以疑
似者相溷吏張目不能對先生短身而癯與下僚言若
恐傷之獨斷斷于大府前福建總督陳文肅公將劾某

令臧先生廉其誣爭之陳不聽公不盡諾陳不得已事
竟寢而心不悅奏先生不宜外任賴天子知其賢雖
內用眷注愈隆庚午命典雲南鄉試庚申甲戌命提調
會試十六年命送暹羅國使者二十年命送琉球國使
者先生隨事盡職在滇以得人稱行海外萬里酋夷欽
其清嚴

今天子元年冬余試鴻詞科報罷落魄無歸飯先生家
三月有餘至今常涕泣追想長安米貴今古同然以素
不識面一男子又不任典籤記室而許其虛糜雁鶩之
餘食棲依宇下此何如恩德耶雖客邸清貧除脫粟外
絕無一豆一觴而先生每食必偕明日將有早朝會鞠

諸大事裁淪二鷄子以自供而猶必推盤讓客至于再
四嗚呼仁哉所著六經疑義錄十六卷秋水堂古文十
六卷駢征集十二卷愛日軒詩餘十二卷髮恭人黃氏
生五子三女以某年月日葬某
銘曰輪方不行瑟古難聽吁嗟乎先生而竟以享我爲
之銘先濯筆于滄浪之水清

六合縣知縣潘君墓志銘

乾隆八年余知沐陽潘君字情來勘災置身同寮中甚
謹弛氣離坐噉然而終日不言心疑之以爲陰重人也
後十餘年君供張天子巡狩事來江寧朝夕雅遊怛
中而信人向疑稍稍解又嘗過武進遇舟人子道君善
政尤詳信君爲無害吏嗣後聞其得官則喜失官則憂
君亦推許過當文翰事非余質確者不肯落墨然每見
君面無見膚陽不滿大宅慮仕宦難速飛已而君得官
必無故顛上游知其賢盡力起之隨起隨顛卑之以死
如是者在江南二十四年君諱涵字字情錢塘國學生
纂修一統志議敘州判凡署縣篆六題實授三君風神

元定度屢閣几必得其所所判決不為聽強狀視下喜
徐務折其情乃止以故郵罰無訛鮮客訴者南漚民兄弟
訟田君不訊令跪學宮聽講兩人者悔求釋公不許乃
泣且拜曰良非本懷峻訟者某也遂公其田而睦如初
有徐官官者殺一家五人留其女人疑有姦公置徐極
刑而不問姦事民以為仁鎮洋役催租負租氓仆地死
腰有樹傷前官擬役抵君曰役卽民也非其毆死何抵
之為委賑海州請於大府曰海州積潦病由塲河南受
清安中河黃運水之余西受駱馬劉老澗水之半故趨
海不支者勢也適東雖多支河形如蛇足可以宣洩而
無如不開東塲終與無河同若壩開又與運鹽泊河兩

事有妨爲今計宜濬場河使深而合新舊河爲一相度
諸堰壩因時啓閉如此則水易趨海海州忠可去八九
大府納焉歲以不連歉在武進一年以解犯愆期去官
在贛榆一年以失察邪教去官大府俱奏留君君膝暴
蹠穿疲曳奔馳然而爲日淺被於民者迄不得施西席
未燬又揭揭而之東市馬量穀無須臾閒身日以憊而
家亦日以貧最後宰六合甫抵任天子南巡君治事
龍潭病食糜粥不盈一甌顛而殫悶猶料檢站馬夫役
呼叱不已聲漸微目漸瞑遂卒卒數日鑿輿臨事一
切循整如君存也氣絕時知六合縣卽真之詔才下
吏民哀之年五十九長子仁標能文而弱次子仁勤頗

聰穎後君亡四十日亦以喉閉亡
銘曰不擠之而自止共扶之而不起未終其齒進而與
之死猶以爲不足更取其子嗟乎善若彼報若此吾烏
知其所以

補蘿先生墓誌銘

本朝王吏部虛舟以書法冠海內從遊者爲補蘿沈先生余見先生時年六十餘博學廣覽鼻隆然高白髭貫兩頤長尺許雜爲毫毛沿頸而下覆其身幾滿其先江陰人先生生十六年家燬于火蕩無一椽十九歲受知虛舟當是時虛舟館于淮安程氏程故豪士饒于財力能致天下之桓碑彝器及晉唐真蹟先生天性好之縱觀臨摹虛舟又爲授八法之源流以故業精而學博以其餘伎刻劃金石古麗精峭如斯水復生嘗一過京師再遊酒泉所至公卿間爭袖玉石求握刀揣揣慮不可卒得而先生一與周旋無德色罄狀以故名益高貧益

甚。雍正十三年以國學生効力南河。乾隆二年署江寧南捕通判。再署徽州同知。凡七攝縣篆。宣城靈璧舒城建德盱眙涇縣皆所歷也。於吏事非所喜。每治行服飾蕭然。載冊籍圖卷爐研等物。重輿後車外。皂唱衙畢。諸吏抱案侍階下。先生猶伸紙潑墨。含毫逸然。在宣城訊竊雞者。盡雞賊而以恥之。雞之神色有畏竊欲飛之狀。合邑傳觀笑以爲神。性廉靜。謹厚。斤斤形于體貌。郵罰麗事雖小有過差。而吏民諒之。無怨嗟者。大府皆器重之。常異目以視。黃文襄公督江南。嚴官三品以下。膝行無敢闕語。先生入褒衣博袖。強曳一足。跪啞啞然。唾與言俱黃。爲辨。感談笑。賜坐。賜食。人皆驚。且羨。轉相告語。

而先生亦不自知其所以然。乞病金陵。金陵之人咸從從。捧手與余及李晴江交。尤密。朝夕過從。聽談三朝典故。及前輩流風。如上陽宮人說開元遺事。燈地酒闌。諧諢。裸作誦俳優小說。數千言。聽者傾靡欲絕。而先生語益緩。色益莊。若不解笑者。自言生平篆刻第一。畫次之。字又次之。晚年不肯刻石作畫。而肯書。余以其間得請山中題額。尹文端公過。隨園笑曰。何滿山皆沈鳳書耶。亡何先生歿。海內之求其書者若金。膏水碧之珍。然後歎余見之先焉。余好古器。若無所解。每鑒別。奉先生爲師。未十年而先生有所疑。必質余以定。真贋余雖私喜自負。而心憂先生之衰。年七十一卒。卒前數月。貧不能

具。膳。而。歷。任。之。核。減。叢。至。竟。先。牒。產。絕。而。後。報。人。亡。嗚。呼。其。可。哀。也。已。先。生。名。鳳。字。凡。民。一。字。補。羅。葬。金。陵。南。門。外。湯。家。窪。二。子。恆。慄。俱。早。卒。孫。夢。蘭。隨。寡。母。僑。寓。廬。州。余。權。春。秋。祭。掃。事。俟。夢。蘭。長。大。將。勒。石。而。告。之。處。銘。曰。其。生。也。賢。故。人。貌。而。天。其。所。好。也。古。故。于。今。少。伍。嘻。此。非。馬。鬣。之。封。乃。商。彝。夏。鼎。之。宮。

史先生墓誌

枚生七歲受論語大學於史先生十二歲與先生同補弟子員十九歲先生卒三十九歲葬先生於西湖之葛嶺而誌其墓曰先生姓史諱中字玉瓚漢溧陽侯遺裔爲八行世家始祖浩仕南宋官至右丞相子孫遷於杭先生幼孤貧無師傅年二十聞鄰兒讀四子書髣髴若素所聞愈愛聽遂能誦見案上卷戲傲爲之不意竟就質之老儒驚曰是制藝也告以故始不信繼乃大奇之長更力學于星經地志樂律俱能穿穴詣微駕其說嘗攜枚過錢塘門觀浙帥大閱旌旗蔽野鐵騎成列而下先生斜睨其陣又數數按其營帳大言曰謬耳不可

以戰枚驚曰先生解是耶先生曰昔蕭穎士見封常清
行陣不觀而還常清果敗軍旅亦儒者事吾常學之矣
歸手一書示枚而循其髮泣曰種種矣此少時手抄陣
圖也嘻其焚之館枚家十年婆娑教督性狷狹修謹雖
期功喪有如刻之容長身瘠立若植鱗然晚年好仙釋
師季某而友張自南三人者語化色五倉之說則辟呬
畫灰戒門以絕先生曰吾爲兒時見方外服輒研研然
今得與旨宜去但仙人皆孝子有嗣吾宗者吾履躋逝
矣卒無子不果行年四十九得疾舌大而僵滿於口內
雖刺寸餘無血自知不起屢搏其膺曰可惜可惜食飲
至唇而止以簪展其喉猶斷喋不下人見之或泣或嘆

不。忍。逼。視。愈。益。不。平。口。荷。荷。不。絕。竟。餓。死。道。友。張。自。南。
結。胎。於。臍。胎。墜。腸。絕。先。一。年。死。季。姓。者。年。餘。鼻。潰。死。
銘。曰。機。也。括。之。玉。也。削。之。我。童。而。蒙。孰。先。覺。之。積。學。而。
窮。積。善。隕。宗。長。生。不。生。五。十。嗟。凶。忌。其。仙。竟。忘。其。賢。使。
隱。恨。于。黃。泉。嗜。其。何。以。爲。天。

侯夷門墓誌銘

予自流移知江寧客賀曰江寧有侯丞槃槃大才佐公
公必喜問其名故予狎也予壬子鄉試見有野而古者
危冠高履口侯音曰睽睽斜視如深山怪松礫柯自異
識者曰此天台山侯嘉縉也予竊已奇之與訂交廓落
無町畦益相愛號夷門子字元經詩文迅疾始於筆染
終於紙盡揮霍睥睨瞬息百變每裏袖潑墨數十人環
而擁之丞抽思乙乙十指雨下字跡旁行斜上如長河
堅冰風裂成文莫知條理而天趣可愛又如成相侂詩
窮劫野曲可解不解而假詭獨絕先受知於督學帥公
貢于鄉連試不售出爲主簿調江寧丞曹進曹退溫溫

無所試。既不得志於時。愈自縱。一日大醉。登報恩寺殿。摩古佛羅漢數百尊。各贈詩萬餘言。書其頂箕。坐大。噉。臆外風雨暴至。電光燭其手。益喜奮筆。不能休。且吐。且書。取殿旁石曰戴頭上。折旋舞如風。衆僧疑爲鬼神異。物不敢逼視。又疑病狂。易妄笑語昏亂。酒既醒。雷雨亦息。觀其詩奇字與句不能讀也。舉其曰重千二百斤。運餉至京。以已所坐輿輦其妻。蔡氏已策驢從之。妻免乳。旅店中丞徒步長吟數千里。判事喝咎數輒脫抱。牘吏決當否。吏曰是也。丞大喜。號於衆曰。何如。鎮江黃太守慕其才。招至署。未浹旬。早起不見。覓之。赫然死。厠旁年五十二。其子某。至自天台。以柩歸。卜葬。畢來問銘於余。

余既奇君之才而尤奇君之死乃亦爲奇語遣抱磨者
陷其石以質君

銘曰文星熾熾龍潛其系勃怒墜地無所吐氣以儒爲
戲嶽崎如是執不律如執鬼中可以極無極窮無窮而
卒不聲于崖公一笑去冷然風留委蛇受機封

楊節婦墓志銘

余知江寧時門下士楊思立以狀來曰長兄舒猷不幸
早亡嫂未三十而守志既孝且賢先生修邑乘以法宜
得書余訪諸邑人僉符楊君言遂志之今年正月思立
又來曰嫂亡矣嫂生時蒙先生列于志今將葬乞先生
銘諸幽余謹按孺人陳姓年十八來歸舒猷奉尊章惟
謹治箴管榘事罔或不蠲嫁十一年舒猷卒孺人初
志欲殉旁人尤之曰安有堂上兩大人存膝下兩孤存
而于禮得死者乎孺人然之誓撫兒以慰夫志亡何兩
兒亡姑王氏亦亡繼姑曹氏至孺人事曹如事王曹生
思立思達孺人助之製文葆治挖瘍小不豫永夜不眠

曹常指之訓兩兒曰嫂愛汝過於我愛汝韓文公爲嫂
服期汝其志哉及思立等旣娶孺人率兩奴治家持錢
主進圭撤不失命居貨輒有奇羨無折閱之虞性至儉
食不過菜然趨善如水赴壑捐奩資入祠取其贏備族
人婚喪費歲饑爲淖糜食蒙袂者乾隆三十一年卒年
七十有四立思立子某爲孺人後所以報也以某月日
與舒猷合葬於桃紅

銘曰亡子字叔以將宗續而使其家足生金積粟喜非
邱嫂乃富媪銘貞石使有考

大理寺卿鄧公夫人李夫人墓志銘

夫人李氏故華亭令源長公之女生十七歲來歸今大理寺正卿鄧遜齋先生先生少貧出就外傅夫人供旨蓄惟謹先生試禮部作萬里行夫人典釵珥治裝甚具先生官京師夫人視濯而祭奉尊章甚恭先生艱子嗣夫人爲置蓮室張氏劉氏楊氏雁行坐甚和雖諸姬生子屢殤外繼者亦天歿而卒賴張氏一子名以乾者延鄧氏之宗凡相夫子四十五年以康熙癸巳三月生以乾隆癸巳九月卒初封孺人再封夫人今年春先生子告回蜀將歸夫人柩以藿寄狀來命枚志墓枚伏讀公羊春秋魯成公十年齊人來媵何休註云朝廷侈子姑

上婦人侈于妬下伯姬賢故諸侯爭來媵之當春秋時
二南遺澤未泯乃賢如伯姬者已少矧至于今而當官
傾軋當夕勃谿者尚何譏焉夫人能存緩帶之心無江
沱之悔則其至性純和過士大夫遠甚而豈徒區區爲
巾幗式耶先生官十年乞終養養二十年太夫人服闋
仍官京師又十年歸休行家計四十年中朝野參半當
今出處之正孰有如先生者然使夫人耽于寵榮有交
謫聲則先生行義雖高不能意無所動又或持家已汰
有不節之嗟則以先生之廉靜亦難從容于去就間觀
夫人能承先生之志以成先生之賢真如琴之得瑟而
調珮之應環而響也嗚呼難矣生二女一適戊子舉人

李熹一適候選州同龍度昭以某年月日葬某

銘曰錦江之流架浪吞舟迎夫人而安瀾惟夫人之性
之柔秀屏之山飛雪皓皓葬夫人而風和惟夫人之行
之孝松耶柏耶窆而封者石耶嗚呼石可泐也德可滅

耶

蔣太安人墓志銘

余奉母金陵久矣。乙酉歲編修蔣君士銓亦奉母來。兩老人居相隣。志相同。遊相得也。亡何編修就菡山書院之聘。挈家去。余母眷然曰。久不見蔣太安人。如別春風。令人慕思。今年正月太安人委化。揚州編修走手書乞銘以葬。余慮余母之悲。未敢遽告。竊念編修以文學伏海內。于當今賢豪無所不交。何獨以志幽之文。遠屬于余。疑太安人之愛其母。以及其子身後之託。亦其志也。乃謹按其狀而銘之曰。太安人鍾姓名令嘉。字守箴。晚自號甘茶老人。爲南昌隱士。滋生公之季女。年十九來歸。我贈公適園先生。以子士銓貴。誥封安人有孫三。

曾孫二年七十而終性明慧仁恕嫻禮則曉書史生編
修三歲教之識字弱不能持管乃戲析竹絲排撤畫誘
其記憶從贈公館晉陽還鉛山服勞習勤相對迢然垂
老神明不衰見婢媪衣或穿敝必代安襟袖停鍼以須
時時存心惠物曰人之所以生仁也人而不仁安用生
爲當編修官京師時聲名甚盛裴大司空薦其才

天子領之將超擢者屢矣太安人慮其性剛將忤衆命
還山讀書畫歸舟安穩圖首題七詩嗟乎士大夫一登
朝宁未免就于寵榮此困于赤紱之占周易所爲兢兢
也太安人一女子能深明出處之義以勇退爲提撕此
何如識力耶然而編修旣歸四方之相乞爲師者慕其

才。兼。知。其。孝。先。以。安。車。迎。太。安。人。太。安。人。因。得。就。養。無。
方。東。遊。明。聖。測。探。禹。穴。南。攬。樓。霞。鍾。阜。之。奇。北。還。邗。江。
聽。竹。西。歌。吹。以。終。一。時。邗。君。諸。侯。通。家。子。姓。爭。拜。絳。紗。
問。經。義。如。宣。文。君。義。成。夫。人。故。事。嗚。呼。榮。哉。母。範。之。賢。
善。人。之。報。均。足。以。銘。以。某。年。月。日。葬。某。銘。曰。
水。之。守。土。也。審。母。之。測。子。也。準。既。教。之。升。復。偕。之。隱。此。
非。高。世。之。姬。姜。乃。知。幾。之。顏。閔。

李母顧太恭人墓志銘

余知江寧時試童子得李君名績者與語知其少孤奉母夫人之教觥觥自立余心欽母賢而亦嘉績之能亢其宗也居亡何績改名文在輸粟得南城兵馬司指揮累遷衡州府知府母守節三十三年

天子扁表其門以子貴封恭人前年文在卒次年恭人卒孫育蕃卜塋有口乞余志墓余謹按恭人顧氏爲前明刑部尚書東橋公之後良人仙經亡時文在裁六歲尊章具存恭人折毀訓兒具豚畜事堂上罔不咸嘉會計場廩旣沃且豐以其餘潤漑戚隣文在之官迎恭人恭人每一至衙教以清白慈良卑輒歸家文在罷官或

爲恭人戚恭人迨然曰兒被黜非私罪終當蒙恩未
幾祝皇太后萬壽果復官余常謂克家甚難負先人
遺業如負重器雖大男子苟不勝則顛恭人婺也而能
無成而有終地道也婦道也卽母道也尤奇者其外舅
閻公客無爲州遭暴疾恭人感夢禱迎閻公甫托舟忽
得風一夕行四百餘里入江城考終廂下此與曾參齋
指點婁心動者若合符節然則恭人之受旌受封猶其
外效末節而其感通神明于人所不見之地者尤可尚
也卒時年六十六有孫三俱業儒莖某
銘曰能爲傅爲父以將其子撫而使其官至大府嗚呼
此何如母也碣諸土告萬古

陸君妻顧氏墓志銘

乾隆甲午暢月郡文學光祖陸君來山中曰亡妻將葬
某原光祖哀其賢而天奪之速也可先生文其幽宮以
寵亡者其狀云孺人顧姓江寧人永城令諱斌之長女
年十八來歸屢孕不育爲光祖置兩造室生子一女四
孺人忘其爲異腹也雖一便旋一襁負必躬撫嬰婉然
後卽安今年三月七日晨起盥饋如常哺食後心蕩不
止若自空而墜者然卒年四十九余按劉熙釋名膺心
衣也鄭箋彤管有煒謂女史之有赤心者孺人之心可
以對神明耀彤管而乃不能牢繫于膺母亦恩斯勤斯
征佞况瘁之極而致此疾歟宜陸君言及之而淚若縷

廢也。昔太史公書荆軻徵夏無且，韓退之書張睢陽徵于嵩，余家有陳姬者，曾乳陸氏兒，平素言與陸君合，故余于書，簡人也。信。銘曰：無子有子，惟其慈。雖死不死，繫人思。展如之媛，曷可追。

曹母劉恭人墓志銘

恭人姓劉上海華涇人系出宋忠顯吳郡王幹之後太學生諱乘六之女工科給事中曹公一士之室給事負重名奉教槩者戶外屨滿恭人滌概散具刑靡恢恢循整今上登極給事屢上封章直聲震朝野以洩禁中語左遷卒當是時恭人居兩遺孤儻然也給事昆季先後夭歿曹氏不絕如綫恭人尸婚塋持家况瘁者二十餘年親見其子錫端入學食餼官訓導乃卒年六十六恭人課子嚴錫端有客輒簾窺而詔曰某也賢宜近某也否宜遠及其長也畀一篋泣曰是而父之奏疏文稿也見此如見父錫端板而行之恭人乃喜曰吾今可

以見而父子于地下矣嗟乎古之聖賢百不經意惟于立
言處不朽自期故沒世稱名宣尼猶三致意焉然中才
以下語之而不知或拉襍推燒之者有矣恭人摩挲奩
具奉殘編爲至珍異寶諄切付兒可謂務其遠者大者
卽此神識已超尋常萬萬而其他皆可畧而不書以乾
隆元年 覃恩 誥封恭人子二長錫端次錫圖與給
事前兩恭人某某合葬于某
銘曰肅肅雍雍順三而從以協于有終是之謂恭不愧
其封

鳳陽府同知高君墓志銘

乾隆三十七年王師征金川華亭縣知縣高君白雲上書大府言自幼學兵法願棄官從軍大府雖不許心甚壯之余慕其為人無由相見居亡何君舉最選禮部主事入都過隨園命長子兆魯從余受業君白暫少鬚眉沉雅淵靜望而知爲儒者任刑祭司二年督倉場事辦天子召見擢鳳陽府同知未抵任卒兆魯扶喪還蜀以狀乞銘狀曰君諱辰字元白晚愛白雲因以爲號本籍山西姓牛康熙間祖式竹公依中表高爽公于蜀遂從其姓君以丁卯舉人辛未進士入翰林壬申散館外出爲令宰清河遷震澤再遷華亭震當太湖之浸鄰

浙省歸安往往盜發倚交界處作遺藪君偵知王啟祥者名捕也年老爲僧結以恩使捕盜捕得劫水姓者楊二供其魁某現伏歸安君移檄竄取歸安令憚處分護匿不與君怒牒請于兩省督撫悉擒以來破積案數十盜風爲清華邑海塘多塢碎石屢崩于潮君加巨木貫以鐵繩躬自堵築必完必好以故乾隆三十四五年颶風債與浙之蕭山寧海災而華亭無恙君好文愛士雖布衣童稚苟有才必折節下之所至以書自隨縹緲石刻歷車上鱗鱗然未仕時常爲大將軍岳鍾琪客將軍知其才授以韜略君慨然以經世自期入都時私謂余曰太白星橫貫齊魯慮山東有盜潢池兵者余笑以爲

蓮言未幾果有王倫之逆而君已卒年五十一子三人俱業儒所著有晚成錄白雲山房彙葬某

銘曰白雲之在天也四海爲霖而忽而反乎山也杳不可尋嗚呼在雲無心而望其澤者何以爲情君以爲名宜其來去之輕我欽其人爲碣爲銘以表佳城